

"Қазақстан Республикасының кейбір заңнамалық актілеріне сотқа құрметтемеушілік білдіру мәселелері бойынша өзгерістер мен толықтырулар енгізу туралы" Қазақстан Республикасы Заңының жобасы туралы

Қазақстан Республикасы Үкіметінің 2006 жылғы 26 шілдедегі N 707 Қаулысы

Қазақстан Республикасының Үкіметі **ҚАУЛЫ ЕТЕДІ:**

"Қазақстан Республикасының кейбір заңнамалық актілеріне сотқа құрметтемеушілік білдіру мәселелері бойынша өзгерістер мен толықтырулар енгізу туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Жоба

Қазақстан Республикасының Заңы

**Қазақстан Республикасының кейбір заңнамалық актілеріне
сотқа құрметтемеушілік білдіру мәселелері бойынша
өзгерістер мен толықтырулар енгізу туралы**

1-бап. Қазақстан Республикасының мынадай заңнамалық актілеріне өзгерістер мен толықтырулар енгізілсін:

1. 2001 жылғы 30 қаңтардағы Қазақстан Республикасының Әкімшілік құқық бұзушылық туралы кодексіне (Қазақстан Республикасы Парламентінің Жаршысы, 2001 ж., N 5-6, 24-құжат; N 17-18, 241-құжат; N 21-22, 281-құжат; 2002 ж., N 4, 33-құжат; N 17, 155-құжат; 2003 ж., N 1-2, 3-құжат; N 4, 25-құжат; N 5, 30-құжат; N 11, 56, 64, 68-құжаттар; N 14, 109-құжат; N 15, 122, 139-құжаттар; N 18, 142-құжат; N 21-22, 160-құжат; N 23, 171-құжат; 2004 ж., N 6, 42-құжат; N 10, 55-құжат; N 15, 86-құжат; N 17, 97-құжат; N 23, 139, 140-құжаттар; N 24, 153-құжат; 2005 ж., N 5, 5-құжат; N 7-8, 19-құжат; N 9, 26-құжат; N 13, 53-құжат; N 14, 58-құжат; N 17-18, 72-құжат; N 21-22, 86, 87-құжат; N 23, 104-құжат; 2006 ж., N 1, 5-құжат; N 2, 19, 20-құжаттар; N 3, 22-құжат; N 5-6, 31-құжат; N 8, 45-құжат; 2006 жылғы 9 маусымда "Егемен Қазақстан" және 2006 жылғы 10 маусымда "Казахстанская правда" газеттерінде жарияланған "Қазақстан Республикасының кейбір заңнамалық актілеріне Алматы қаласының өңірлік қаржы орталығын құру мәселелері бойынша өзгерістер мен толықтырулар енгізу туралы" Қазақстан Республикасының 2006 жылғы 5 маусымдағы Заңы; 2006 жылғы 27 маусымда "Егемен Қазақстан" және 2006 жылғы 29 маусымда "Казахстанская правда" газеттерінде жарияланған "Қазақстан Республикасының кейбір заңнамалық актілеріне атқарушылық іс жүргізу мәселелері бойынша өзгерістер мен толықтырулар енгізу

туралы" Қазақстан Республикасының 2006 жылғы 22 маусымдағы Заңы):

1) 55-баптың бірінші бөлігінде "жеке адамға қарсы" деген сөздер алынып тасталсын

;

2) 513-бап мынадай редакцияда жазылсын:

"513-бап. Сотқа құрметтемеушілік білдіру

1. Процеске қатысушылардың және өзге де тұлғалардың қатысуынсыз соттың істі одан әрі қарауы мүмкін болмайтын жағдайда, олардың шақыру қағазы бойынша сотқа келуден дәлелді себептерсіз жалтаруынан, сот отырысында төрағалық етушінің өкіміне бағынбаудан, сот үй-жайында тәртіпті бұзудан көрінетін сотты құрметтемеушілік, сол сияқты сотқа, күшіне енген сот актісіне немесе сотта белгіленген ережелерге немқұрайдылық туралы куәландыратын өзге де заңға қарсы әрекеттер жасау, - ескерту жасауға немесе оннан жиырмаға дейінгі айлық есептік көрсеткіш мөлшерінде айыппұл салуға не үштен бес тәулікке дейінгі мерзімге әкімшілік қамауға ә к е п с о ғ а д ы .

2. Осы баптың бірінші бөлігінде көзделген - әкімшілік жаза қолданылғаннан кейін бір жыл ішінде қайталап жасалған әрекеттер, - жиырмадан отызға дейінгі айлық есептік көрсеткіш мөлшерінде айыппұл салуға не бестен он тәулікке дейін әкімшілік қамауға әкеп соғады.";

3) 541-бап мынадай мазмұндағы үшінші бөлікпен толықтырылсын:

"3. Жоғарғы Соттың, облыстық, аудандық және оларға теңестірілген соттардың судьялары сотта істі қарау барысында анықталған, осы Кодекстің 513-бабында көзделген сотқа құрметтемеушілік білдіру фактілері туралы істерді қарайды.";

4) 634-баптың үшінші бөлігі мынадай сөздермен толықтырылсын:

", сондай-ақ судья (сот) сотта істі қарау барысында сотқа құрметтемеушілік білдіру фактісінің анықталғаны туралы жариялаған кезден бастап" деген сөздермен т о л ы қ т ы р ы л с ы н ;

5) 639-баптың екінші бөлігі "прокурор қаулысымен қозғалған" деген сөздерден кейін "және судья (сот) тікелей сотта істі қарау барысында сотқа құрметтемеушілік білдіру фактісін анықтаған" деген сөздермен толықтырылсын;

б) 6 4 3 - б а п т а :

"Судья" деген сөздің алдынан "1" деген санмен толықтырылсын; мынадай мазмұндағы екінші бөлікпен толықтырылсын:

"2. Көрсетілген баптың бірінші бөлігінің талаптары осы Кодекстің 541-бабының үшінші бөлігіне сәйкес қаралған сотқа құрметтемеушілік білдіру фактілері туралы істерге қ о л д а н ы л м а й д ы . " ;

7) 647-бап мынадай мазмұндағы 1-1-бөлікпен толықтырылсын:

"1-1. Сотта істі қарау барысында анықталған сотқа құрметтемеушілік білдіру фактісі туралы істі судья (сот) соттың тікелей бірінші, апелляциялық немесе қадағалау сатысындағы осы отырысында қарайды.";

8) 648-бап мынадай мазмұндағы 1-1-бөлікпен толықтырылсын:

"1-1. Төрағалық етуші тікелей сотта істі қарау барысында сотқа құрметтемеушілік білдіру фактісін анықтай, факті туралы жариялай отырып осы баптың бірінші бөлігінің 2), 4)-10) тармақшаларының талаптарын сақтамастан, кінәлі тұлғаға осы Кодекстің 513-бабында көзделген әкімшілік жаза қолдану туралы қаулы шығаруға құқылы.";

9) 655-бап мынадай мазмұндағы 2-1-бөлікпен толықтырылсын:

"2-1. Судья (сот) сотқа құрметтемеушілік білдіру фактісі туралы іс бойынша осы Кодекстің 648-бабының 1-1-бөлігінің тәртібімен шығарған қаулыға жоғары тұрған сатыдағы сотқа шағым берілуі, наразылық келтірілуі мүмкін. Жоғарғы Сот алқасының сотқа құрметтемеушілік білдіру фактісі туралы іс бойынша сот отырысында шығарған қаулысы қайта қарауға жатпайды.";

10) 656-бап мына мазмұндағы 1-1-бөлікпен толықтырылсын:

"1-1. Сотқа құрметтемеушілік білдіру фактісі туралы іс бойынша қаулыға осы Кодекстің 655-бабының 2-1-бөлігіне сәйкес шағым берілген, наразылық келтірілген жағдайда сот отырысы хаттамасынан фактінің анықталуы бөлігіндегі көшірмені сот қаулыға тіркейді.";

11) 661-бап мынадай мазмұндағы екінші сөйлеммен толықтырылсын:

"Судья (сот) осы Кодекстің 648-бабының 1-1-бөлігінің тәртібімен шығарған сотқа құрметтемеушілік білдіру фактісі туралы соттың қаулысына шағымды, наразылықты жоғары тұрған соттың судьясы жеке қарайды, осындай қаулыны апелляциялық немесе қадағалау сатысындағы сот шығарған жағдайда жоғары тұрған сатыдағы сот алқасы қарайды.";

12) 663-баптың төртінші бөлігі "іс бойынша сот", "жоғары тұрған соттың судьясы" деген сөздерден кейін тиісінше "(судья)", "(жоғары тұрған сатыдағы сот)" деген сөздермен толықтырылсын;

13) 672-бап мынадай мазмұндағы екінші сөйлеммен толықтырылсын:

"Сондай-ақ, судья (сот) осы Кодекстің 648-бабы 1-1-бөлігінің тәртібімен шығарған сотқа құрметтемеушілік білдіру фактілері туралы істер бойынша заңды күшіне енген қаулылар, Жоғарғы Сот алқасының қаулыларын қоспағанда, сот тәртібімен қайта қаралуы мүмкін.";

14) 673-бапта "облыстық және оларға теңестірілген соттардың алқалары" деген сөздерден кейін ", ал осы Кодекстің 672-бабында көрсетілген сотқа құрметтемеушілік білдіру фактілері туралы істер бойынша қаулыларды жоғары тұрған сатыдағы сот алқасы" деген сөздермен толықтырылсын.

2. 1997 жылғы 13 желтоқсандағы Қазақстан Республикасының Қылмыстық іс жүргізу кодексіне (Қазақстан Республикасы Парламентінің Жаршысы, 1997 ж., N 23, 335-құжат; 1998 ж., N 23, 416-құжат; 2000 ж., N 3-4, 66-құжат; N 6, 141-құжат; 2001 ж., N 8, 53-құжат; N 15-16, 239-құжат; N 17-18, 245-құжат; N 21-22, 281-құжат; 2002 ж., N 4, 32, 33-құжаттар; N 17, 155-құжат; N 23-24, 192-құжат; 2003 ж., N 18, 142-құжат; 2004

ж., N 5, 22-құжат; N 23, 139-құжат; N 24, 153, 154, 156-құжаттар; 2005 ж., N 13, 53-құжат; N 21-22, 87-құжат; N 24, 123-құжат; 2006 ж., N 5-6, 31-құжат):

1) 3 2 7 - б а п т а :

бірінші бөлік мынадай редакцияда жазылсын:

"1. Сот отырысында тәртіп бұзған, төрағалық етушінің өкімдеріне бағынбаған, сондай-ақ сотты құрметтемеу туралы куәландыратын өзге де әрекеттер жасаған кезде төрағалық етуші тұлғаны сот отырысы залынан шығарып жіберуге немесе сотты құрметтемеу фактісінің анықталғаны туралы жариялауға және кінәлі тұлғаға әкімшілік заңнамада белгіленген тәртіппен әкімшілік жаза қолдануға құқылы. Шығарып жіберу, айыптаушы мен қорғаушыдан басқа процестің кез келген қатысушысына немесе өзге тұлғаға қатысты жүргізілуі мүмкін. Сотталушыға әкімшілік жаза қолданылуға тиіс емес . "

алтыншы бөлік алынып тасталсын;

2) 403-баптың екінші бөлігіндегі ", ақшалай айып салу туралы қаулыны қоспағанда, " деген сөздер алынып тасталсын.

3. 1999 жылғы 13 шілдедегі Қазақстан Республикасының Азаматтық іс жүргізу кодексіне (Қазақстан Республикасы Парламентінің Жаршысы, 1999 ж., N 18, 644-құжат; 2000 ж., N 3-4, 66-құжат; N 10, 244-құжат; 2001 ж., N 8, 52-құжат; N 15-16, 239-құжат; N 21-22, 281-құжат; N 24, 338-құжат; 2002 ж., N 17, 155-құжат; 2003 ж., N 10, 49-құжат; N 14, 109-құжат; N 15, 138-құжат; 2004 ж., N 5, 25-құжат; N 17, 97-құжат; N 23, 140-құжат; N 24, 153-құжат; 2005 ж., N 5, 5-құжат; N 13, 53-құжат; N 24, 123-құжат; 2006 ж., N 2, 19-құжат; 2006 жылғы 9 маусымда "Егемен Қазақстан" және 2006 жылғы 10 маусымда "Казахстанская правда" газеттерінде жарияланған "Қазақстан Республикасының кейбір заңнамалық актілеріне Алматы қаласының өңірлік қаржы орталығын құру мәселелері бойынша өзгерістер мен толықтырулар енгізу туралы" Қазақстан Республикасының 2006 жылғы 5 маусымдағы Заңы; 2006 жылғы 27 маусымда "Егемен Қазақстан" және 2006 жылғы 29 маусымда "Казахстанская правда" газеттерінде жарияланған "Қазақстан Республикасының кейбір заңнамалық актілеріне атқарушылық іс жүргізу мәселелері бойынша өзгерістер мен толықтырулар енгізу туралы" Қазақстан Республикасының 2006 жылғы 22 маусымдағы Заңы):

179-баптың төртінші бөлігі мынадай редакцияда жазылсын:

"4. Сот тікелей сотта істі қарау барысында сотты құрметтемеу фактісі анықталған кезде кінәлі тұлғаға әкімшілік заңнамада белгіленген тәртіппен әкімшілік жаза қ о л д а н у ғ а қ ұ қ ы л ы . "

2-бап. Осы Заң ресми жарияланған күнінен бастап он күн өткеннен кейін қолданысқа енгізіледі.

Қ а з а қ с т а н Р е с п у б л и к а с ы н ы ң

Президенті

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК